

故宮博物院
故珍集

宮本刊
刊

江蘇府州縣志

共五冊
第三冊



故宮博物院編

海南出版社

故宮珍本叢刊第 089 冊江蘇府州縣志第 3 冊(共 5 冊)

故宮博物院編

高淳縣志 宿遷縣志

海南出版社

圖書在版編目(CIP)數據

故宮珍本叢刊.第88~90冊,地理.都會郡縣.江蘇,/故宮博物院編.-影印本.-海口:海南出版社,2001.4

本輯包括:[乾隆]溧水縣志、[康熙]泰興縣志、[乾隆]高淳縣志、[康熙]宿遷縣志、[乾隆]武進縣志

ISBN 7-80645-971-5

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06450 號

故宮珍本叢刊第 089 冊

江蘇府州縣志第 3 冊(共 5 冊)

[乾隆]高淳縣志 [康熙]宿遷縣志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:29.5 印數:1-400 冊

ISBN 7-80645-971-5/Z·52

定價:1000 元(江蘇府州縣志 11 種共 5 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

重修高淳縣志敘

古者自太史采詩觀風而外列國各有史官以紀載一國之事秦漢而降變封建爲郡縣於是胥天下之山川人物政事文章一領於天子載筆之臣非其極重且鉅類限於方隅不得盡入編摩登諸冊府爲掌故蓋輿區軼事之剩爲一方遺聞者多矣好古之士網羅放失自名一家則有若荆齊益襄交廣上黨三晉南燕南雍南徐諸州記又有吳錄會稽典錄等書

序

一

凡正史所不能備者胥賅而存之至若華陽國志豫章舊志潁川海岱長安河南以暨陳留幽州人物等志義不改乎記錄體多準諸史法而名山石室之所留與柱下金匱之所貯遂相輔並行於天地此固英華所存不自闕遺實一代之文獻關焉然則郡縣志之作豈不昉於是哉

國家表裏河山車書萬國監於前代郁郁乎文郡縣志悉有成書又嘗

詔修一統志各省通志

皇輿表雖在遐方僻壤咸得共耀乎光明余旣治淳之三年制府大司馬黃公以纂修志乘檄所屬其指授務益振刷閭陋潤色太平用佐

序

二

聖天子日新又新之雅化甚盛典焉余深懼不克勝任爰會同教諭盛君勤齋訓導黃君韶音集邑之縉紳先生共商斯事諸縉紳輸金恐後快睹爭先廼推擇襄事者十有七人以應開館學舍授筆分編閱兩寒暑而告厥成功余竊謂志綜核名實可鏡廢興是典引之籍也激揚濁清足垂勸戒是風俗之書也蓋卽古列國史不過是矣惟是博求於人而虛心於己始足以信今而傳後昔夫子作春秋使子夏行求十有四國寶書及其定禮每稱引老聃以證所聞今館諸君子於學密邇宮牆師承淵源以期是非不謬於聖人其庶幾乎夫淳之作邑近三百年邇頓迄李志凡五修自李侯至今近七十年其間所見異詞所聞異

詞所傳聞又異詞非諸君子虛心而博求之或拘墟膠固紛紜異同奚以條辨薈萃克告完本羽翼附麗於統志通志輿表後仿諸記錄華陽豫章諸志以上同古昔列國史以補正史之所未逮有如是哉余不敏承乏以來年豐而民氣樂俗清而文治昭獲睹斯事之有成既以自喜又以慶

朝廷典章制度之全文物聲明之美卽庶方下國考獻徵文而有以釐職方之圖廣外史之掌也爲識此

以敘諸首簡

乾隆十六年歲在辛未秋七月

文林郎知江寧府高淳縣事三韓朱紹文撰



前修志名氏

明正德

知縣 顧銳

嘉靖

知縣 劉啓東

邑朱珩

萬歷

知縣 項維聰

張大行

韓仲雍

刑振羽

刑繼觀

高淳縣志

國朝順治

知縣 紀聖訓

邑王薇

吳會暉

孔允叢

張正枋

刑夢沂

康熙

知縣 李斯佳

史秉直

夏甲

夏賦臣

教諭 賈宗魯

周卿

諸陞

縣 晏朝賓

朱國棟

張應望

黃秉石

韓仲孝

沈啓文

教諭 虞謙

王上林

徐寅

刑振業

孔允震

陳育初

清林誌

教諭 葉楠

葛長祚

孔麟

陳公揚

吳本周

韓必成

俞槃

諸陞

夏寧

教諭 許夢芝

史田濟國

孫自強

秦尙賓

沈啓文

訓導 嘉謨

葛黃裳

徐迅

唐明學

陳鳴雲

魏台

刑襄

訓導 胡士藻

芮城

陳崑如

邢星

孫范

谷起鳳

吳越彥

訓導 吳期暢

當刑 珣

訓導 沈文淵

魏成忠

陳萬善

陳毓璽

唐懋淳

孫奏

吳會蘭

刑襄

訓導 徐捷元

胡汝往

刑振岳

徐肇台

吳會蘭

刑襄

訓導 胡士藻

芮城

陳崑如

邢星

孫范

谷起鳳

國朝乾隆辛未重修志乘名氏

知高淳縣事三韓朱紹文裁正

儒學教諭皖江盛業協裁

訓導毘陵黃大樂叅較

典史餘姚何昌業較梓

邑紳士邢景暘

周蔚起

傅大來

王良士

孔繼年

趙弁

張世留

劉爲銘

王朝梗

孔繼先

張紹岐

邢復生

王士勲

吳瑞榮

許大文同修

耆民胡毓椿督刊

高淳縣志

高淳縣志目錄

卷首

舊序 圖紀

卷第一

沿革志

卷第二

建置志 疆域志

卷第三

山川志上

卷第四

山川志下

卷第五

高淳縣志

學校志

卷第六

祀典志

卷第七

賦役志 戶口 土田 賦額 支給

卷第八

賦役志 賦考上

卷第九

賦役志 賦考下 鹽額附

卷第十

官師表

卷第十一

選舉表

卷第十二

卹典志 祥異志

卷第十三

祠廟志

卷第十四

寺觀志

卷第十五

古蹟志

卷第十六

列傳 名宦 鄉賢

卷第十七

列傳

列傳 鄉宦

卷第十八

列傳 忠臣 孝子 義夫 文學

卷第十九

列傳 篤行 好義

卷第二十

列傳 隱逸 藝術 流寓 仙釋

卷第二十一

列傳 貞節

卷第二十二

列傳 貞節

卷第二十三

列傳 貞節

卷第二十四

藝文

卷第二十五

據軼

遺編

高淳縣志

目三

舊序

古者列國皆有史官掌記時事晉之乘楚之檮杌魯之春秋漢班馬之史記漢書及歷代之書史是也今之有志即古史之餘國朝英宗睿皇帝嚮明聽治之暇命文臣纂修一統志頒行海內先取郡邑志以備采錄況仕於是者非此無以考俗而求治生於是者非此無以仰止而進修志之關繫大矣余以癸酉春出知高淳蒞學謁廟畢深維宦遊一方不可不知民俗之習尚賢詰之風教名宦之政績以爲化民成俗之助因首詢諸生欲得圖志而觀之僉謂茲邑之建甫二十餘禩未有能纂而輯之者余喟然歎曰後世之郡邑得專社稷山川之祭有政教法令之施儼古侯封固不宜無所紀述而高淳爲京畿屬縣尤非他邑比諸生因進而請曰此誠邑之缺典願執事公餘有以纂而輯之豈非邑之大幸乎余惟

高淳縣志

顧序

曾南豐氏謂古之良史者其明必足以周天下之理其道必足以適天下之用其智必足以通難知之意其文必足以發難顯之情然後其任可得而稱也余曷敢任此諸生請曰纂邑志所以備采錄也脫今固讓弗任則前無所稽後又奚自而傳哉遂不揆蕪陋承衆說摭遺事網列條分彙成今集第愧才非充洽學廢三餘不能無掛一漏萬之憾豈詳文核事之義哉諸生又以予忝操觚謂當序諸首簡故以始終纂輯之由筆其概而受梓焉若夫采取有未詳登載有未悉後當有博雅君子毅然以筆削爲己任攷史漢之法損益舊典爲一邑成書者此固今日纂輯之志也正德甲戌仲秋高淳令顧銳序

高淳建邑二十有三年知縣顧侯銳嘗考邑之故實而創志以傳可謂得爲政之要矣第縣自溧水分建志據舊牘成編一時咨詢

未周而或泥於略考覈未精而或浮其實故讀者病焉矧歲物改

而繼治者不乏是以制作震備非復初始之陋民俗歸淳漸滌難治之名不有纂輯後將何徵哉嘉靖癸未夏羅山劉侯啓東來知縣事身先率物百廢具舉開閱舊志內多闕遺未遑重輯越三載而政成乃屬教諭賈君宗魯操筆削之任而體裁條格悉自規畫時巡撫廬陵靜齋陳公令下合屬各以志上於是朝夕從事鉛槧參考舊志據以新聞三閱月而志成將圖壽梓屬余贅一言於首余受而讀之是志修輯本末賈君序之詳矣復何言哉然意不可違敘曰九邱禹貢志祖也後莫備於成周曰圖曰籍曰志記同一紀事而爲安攘邦國之本當時總之大司徒大司馬如外之小史職方諸氏則專職也其曰周知名物貫利云云所以辨壤定賦因俗示教與凡制職布象之政悉因之而舉故好古君子每事輒曰

高淳縣志

邢序

二

考傳記按圖籍毋自用焉是豈無所見耶况邑志之登載周詳所謂名物貫利者具備且寓春秋勸懲之法奈何今之從政者惟汲汲於期會簿書間若志乘則概眛爲文具漫不加意嗚呼治不古若有由然哉劉侯斯舉非獨俾一邑文獻足徵其於春秋勸懲之法焯乎在人耳目有功於高淳豈小補哉余不佞僭書首簡亦幸託名於不朽云嘉靖丙戌當塗邢珣序

高淳由溧水州分爲縣其地山川風景駿驟乎號名邑矣然今昔之因革制度之巨細天文地理之繁人物文章之富陳治道而觀風俗重倫理以寓激勸非筆之於書信今傳後何以稱盛典也正德間顧公始創爲志而筆削簡約事多未悉抑或有待於將來歟前任陳侯雖嘗殫力於此然有其具而已一時所紀山川道里民風土俗與夫人才物產掛漏居多蓋陳侯之從事者未久即謝去

宜其未能卒業也嘉靖癸未柳溪劉公以中州豪傑來知茲土視事初卽祛積弊抑奸豪省冗費卹貧弱期月之間民咸受惠且好古博雅而重禮教凡邑之壇祠學舍城郭橋梁倉庫廨宇經營殆遍是皆昔無而今有創建而增美者也一日政暇游學宮於宗魯曰邑之有志猶國之有史載一代之實典志紀一邑之實蹟史志之作炳乎可考况高淳王化首沐之地尤未可缺略遂謬委宗魯輩以筆削之任就正於大方伯邢公而仍親爲校閱增入新事補其舊遺自建置以至兵防學校爲一卷自公署以至官秩人物爲一卷又次之以壇祠古蹟及藝文外志計卷凡四爲類凡二十有七大書爲綱細書爲目而志成焉廼捐俸授梓以表章之蓋微劉公杰出之器高俗之才莫能勝此任也微邢公博洽之識製作之工莫能定此編也則從前之闕遺而陳侯之有志未逮者閱是

高淳縣志

賈序

三

編庶幾躊躇滿志哉嘉靖丙戌仲夏教諭賈宗魯序

余視淳三載許徵天之幸亦三載稔邑父老子弟相勗以常業難大無恙桑麻蔚然顧而喜曰邑實庶余余何能庇邑居無事事取舊志讀之慨然嘆焉此誰非吾民之利病勸戒所繫而脫略乃爾將何以重一方光千禩也於是秦生尚賓陳生毓靈吳生山巍輩詣余以重修請余謝不敏然於義於時非所敢辭遂擇日開局講編摩之役隸都邑者諷諸耆里隸學校者諷諸青衿隸故實者諷諸縉紳先生各出所聞衷以膚見而授簡於吾鄉張君子璽以總其事近期志成余以邑長當序簡首序曰邑有志所以紀載往跡助流政教也志久而議修所以備因革著時變也桑田滄海陵谷亦以通遷大輅椎輪質文乘而異尚爲政者可膠一定之柱刻中流之舟乎夫政之因也以時時之趨也以漸趨不可已也亦不可

高淳縣志

賈序

四

極也爭乎時者禁之不趨也任乎時者逐之而趨也故爲政者不禁其趨亦不逐其趨察乎時之所以來導乎時之所以往往非詳核於今昔因革之故其道靡由矣今營三復斯志而有慨於淳之因革也因不必論論其革者官民二田也昔殊糧今一則矣馬場昔種馬今改而租矣漕米國計也昔本今折矣鹽法民利也昔用單今改食矣寺田緇流左藏也昔坐享而今且輸公矣他如戶減也因而減里事省也并以省官撥情而宜度勢而順窮則變變則通而淳民晏如也此非更張之善者乎乃可爲扼腕者曩者黑蜆爲崇陽侯佐之蕩淳產十餘萬原野蕭瑟至不可支邇年以來復多傳派今閱歲額如神宮監米豆光祿太倉折色諸費皆故籍所不載先世所未起者田土則昔有而今無供億則昔無而今有誰實生厲貽之梗乎是用列之條款別以新增後之人讀而維之卽未能獨新稅以復舊制亦不至開蟻穴以徇末流庶幾亦隨時拯溺之策耳抑余猶杞慮焉故老爲余言文皇帝時齊尚書泰仕而見誅人以儒諱里巷非襁褓則襁褓無咿唔者二百年來家絃戶誦依然鄒魯彬彬文學矣嘉隆之際俗尚醇樸民環堵而居大布之衣而今易以爽塏彫其桷稅被絲而曳編者且絡繹道路也俗故負氣見犯則較交手令尹之庭易爲輪服耳而今稍稍習規避矣以質若彼以文若此時則使然夫盛者衰之因微者積之始吾未知詩書禮樂之不爲浮靡嚆矢也吾未知弘厥鮮麗之不爲淫佚前茅也吾未知聰利巧便之不爲知故赤幘也因時之宜挽趨之極其在令是邑者與二三君子共圖之哉此余修志意也若夫名賢徽行貞女芳標清修拔俗之操慷慨好施之誼人有獨擅善有殊稱亦各鉅細無遺詳略互見總之與善何害從寬毀譽言無其

心知罪亦聽之矣覽是志者外驪黃而得之是爲序萬歷三十四年丙午永嘉項維聰撰

往余輯建平志建平君曰關文例也志大凡而可蒐羅稍疎不無掛漏焉廼項令君目之謂亦足備一方典因閱高淳舊志大以脫略爲慨遂馳函邀余授筆札之役余至以更修大指請則曰長世字民務在析利弊欲析利弊必考與革淳自分襲來百有餘年其間事變屢遷若滄桑然不辨而紀於籍蔑以鏡俗求理矣語詳令君自爲序中余歎曰令君其大有造於淳至此乎夫奉藩守宇者率以刑獄錢穀期會簿書日不暇給稽古理文似非切務卽事纂修又惟板飾厥章用垂名氏其於吏治民艱不必盡晰也亦多軌迹可遵里閭懾然安又無煩更要求也者而淳則可異矣儒風民俗奢儉質文之趨旣若狂瀾之莫砥其甚者滔天巨浸愈壞難埋

高淳縣志

張序

五

產沒民流日殷月創此還定安集之不遑而征求之額且迭增也令君謂田土則昔有而今無供億則昔無而今有此尤其扼擊痛悼之最切者盡力能挽者旣不顧利害以身肩之而格於時勢之不可爲則務爲憫恤若所云催科中撫字者而未已也悉列於籍用詔將來興革而利則永永宜仍興革而弊則亟當圖罷寓深慨於徵詞於民瘼三致意焉皆令君所授指也今君英風震爽才轍古今以鴻藻魁南宮出綰銅墨潔齊冬水恩湛春露撫綏之餘猶厘靡騁之慮冀後之治淳者按籍而究時艱隨力拯救猶之令君在事也甘棠蔽芾樾蔭依然所流惠於淳者寧有涯矣則是舉也實此邑不可已之要典匪直具文也卽翰墨爲勲績矣不者山川方域猶故也建設儀文有昔規也食貨獻程循用無改也往牒已載何復更爲第余智固孱瓶藝慚驅墨編摩無術竊擬輪轅所幸

邑有名公碩彥各勤採獵開廣聞見集衆美以俾余而飾陋無提掇領要則攝柄於令君余僅爲次第之如此及期役竣爲天文志者二地理志者一十有一人事志者二十有三總一十有四卷極知軌轍貽誦大方然記事述情視建志稍詳矣明年令君遷南水衡余再訪之白下會刻成爲識顛末於末簡萬歷丁未孟夏朔鄧人張子樟序

郡邑之志凡以核形勝考租稅稽戶口省謠俗據天下之雄圖驗已然之成蹟山川人物於是焉存社稷民人於是乎識賢良方正之選經術文章之用使博通吏治者前有所法而後有所懲則志之重於郡邑也久矣漢興取秦內府圖籍藏之以周知四方盈虛強弱之數緣是武功旣張文教用修因時制宜治以彌古我

皇清御錄以來政通人和百廢具舉諸如驛遞賦役之法悉經釐

高淳縣志

紀序

六

定茲復崇文購書諭臣工於政事之暇留心學問以故於禮部及督撫學臣諄諄申飭不啻再三聖訓不敏承乏茲土越有三載懼無以副國家右文之意各憲委畀之心夙夜憂惶靡所寧息夫淳之爲邑也自明弘治四年分建今百六十餘年淳之爲志者三自永樂十七年通諭藩省郡縣各修志書正德甲戌涿鹿頓尹始創之嘉靖癸未羅山劉尹繼修之萬歷丁未永嘉項尹再修之歷今五十餘年勝國之季兵燹相仍故跡遺亡藏書闕略吏治民風湮沒弗彰者何可勝道聖訓下車卽詢舊本正德嘉靖者俱不可得萬歷之志其本幸存謀之學博虞君孝廉三人邑弟子七人周爰咨諏不遺餘力搜遺逸訪故老兼聽並觀洪細畢採爰授乳山林那子纂輯之嚴加考訂以正魚魯聖訓爲之減簿書省胥沐提綱挈要殫精研思罔敢逸豫逾三月而志成所爲天象地輿民

風物產仕宦之出處賦役之輸將節孝之流傳文章之紀載皆班班可述其卽古之圖籍郡邑所重者當在是歟凡圖四表四考三志十六紀一列傳四共一十八卷彙爲一書上之各憲以報鈞命俾他日輶軒過問於淳邑風土盛衰政治舉廢瞭然如示諸掌庶幾上可以勸文治下可以嚴課最也後之守土者按圖求治亦可由是而知勉矣順治丙申邑令紀聖訓序

王者大一統山陬海澨皆入版圖瑞鳥祥雲咸登治譜矧其爲江東首轄聲明文物之區而又當至治昇平之日則凡山川形勝人物風俗足以備一代文獻之徵佐百禩苞桑之計者又何可以不志哉我

皇上御宇以來江澄河晏大猷不振百度維新於會典一書加意彙輯又諭各省督撫臣率所屬郡邑纂修志書以備參考典甚

高淳縣志

李序

七

鉅也斯佳承之茲土越有三載夙夜惴惴惟無以答聖世文明之治是懼恭承憲檄曷敢以不敏謝顧淳邑原非無志也粵稽禹貢分土揚州越南周而秦隋唐宋間遇隸溧陽溧水乃三湖之側有市廛無官舍至明弘治壬子始由溧水析爲縣屬應天自此爲志不一而明季兵燹之餘存焉者寡矣惟萬歷丁未纂於永嘉項尹者簡編未盡民迫我朝順治丙申寧津紀尹又從而增修之所謂山川形勝人物風俗不亦詳且備而無缺略矣乎雖然竊有說焉治一邑與治天下罔殊今之爲志與古之爲史亦罔殊春秋之作也嚴褒貶於一字卽垂褒貶於千秋聖人維魯以維天下維天下以維萬世悉準諸此然則爲淳志計修於創制之初紀載恐其不詳不備修於續緒之日筆削又恐其不信不公也竊效文命故以循名失實貽譏大雅乎哉爰修禮聘諸學博徵君胡君

敦邑之鴻筆淵儒就局從事相與矢厥矢慎斯夕孜孜或析疑文於故老或考時事於案牘如某山某水是何代所表識也某鄉某里是何時所釐定也某賢某宦或樹禮帷之望或增桑梓之榮無不可臚而指也綱舉目張有條不紊授之剗剗以告成功自茲以往殘烟斷井不致淪亡潛德幽光亦有定論孰執此報命庶幾太史陳風可管筆而書書敗後有良吏按籍以稽大猷之莫無俟遠求所謂資一代之文獻之徵佐百禩苞桑之計不在是歟不在是歟康熙二十二年癸亥仲秋邑令濟南李斯佳序

高淳縣志

李序

八

高淳縣志

圖紀

邦國圖籍夏商以前未詳至成周而始著周禮土訓掌道地圖以詔地事職方氏掌天下之圖辨九州之國使同貫利下及戰國秦漢見于載籍者班班可考凡以莅官展采欲周知封內廣輪之數辨土物悉利害舍圖奚由也淳自析壤建邑以來雖環水以廬無城垣堞障視諸邑形勢稍異然而山川四塞言言伋立一邑之勝槩已具觀風之吏撫覽瞭然非鏡物求理之一端乎故首四境以挈全綱而縣治學宮舉領要地皆圖之所宜急他若前志所圖八景或十景徒涉誇張無裨政教槩爲逸之非略也

高淳縣志

高淳縣四境圖

圖紀

九







高淳縣志

縣治圖

圖紀

十






高淳縣志

圖紀

十二



論曰世傳扶輿之廣如中國者八十有一循次而降則吾淳之在域中太倉一稊米耳奚以圖之而紀之為然天下雖大皆自一鄉一邑積之况淳為金陵外蔽山川聯絡拱護亦居然一重鎮也圖諸卷首觀四境民居櫛比桑麻繁陰則風會可知觀縣治衝陌通人烟集可以見生聚焉觀學宮若堂若廡若殿閣宏整秀麗翼翼將將則子矜之葵牆先聖雍容揖讓之儀又穆然如親也夫國家休養生息之久與民間習尚好惡之正皆於披覽間遇之則圖亦曷可少乎哉抑猶有進焉圖者形也有所以形形者存聖人之作易也立象盡意奇耦兩畫即以該意之無窮善易者得意忘象遊神於虛如遇諸牝牡驪黃之外於圖紀亦云

學宮圖說

高淳縣志

圖紀

十四

蓋今天下所在形影向學矣而輿記載高淳學山未始其名義竊謂必有徵引故實載在志乘為輿記所未及採者要亦無由見之越數年秉鐸高淳得見其所為山者隱隱隆隆而學宮歸然特起與茲山依負於離即之間及閱邑志別無故實然則學山之各其取諸此乎余爰廣其意而為之說曰此其名義有二有本有借山有學本名也學於山借名也凡物貴得所附山之高不能一里無峻嶺絕巘以招徠遊人韻士稱名勝於天下蓋所謂邱陵可踰而幸托聖人數仞宮牆遂通加之品題著名於載筆況乎學聖人之道步趨於宮牆之內其入為名諸生出為名司牧名卿相抑又何疑是故山有學而山傳人有學而人傳附驥尾而名顯土得稱學者其所附既尊則閭巷青雲宜視茲山而知所自舊且山重物也重故靜聖人論學之不因原於不重而諸葛氏言非靜無以成學則體夫重與靜之旨而以爲學於山也將無不可也余之說如此間以質邑之縉紳先生咸以爲然且言曰由本名之說崇學也由借名之說亦崇學也然則無穿鑿於山而當加意於學宮適邪君本岐本稷暨嗣君復易有新學宮之役而余偕二三子流覽於巖廊之間登眺於亭臺之上而雲峰萬疊湖水千頃拱峙疊滌於其外開拓心胸怪駭耳目而遐顧學山蜿蜒自遠而來若滅若現從後奔赴而左右環抱因益廣之曰學山而至於山學海而至於海諸子有會心乎由吾前說而通之地之靈人之傑俱當於學乎增勝矣雲峰皆山湖水歸海於是二三子持邑之新志所繪學宮圖進曰夫子之言誠然請即書之圖後以當訓詁備故實俾後之人有考焉遂援筆識之學山圖之魁山也教諭院桐盛業題

高淳縣志卷一

沿革

一代之興必有因革豈獨禮樂制度哉卽如幅幘分合州邑改移蓋與運推遷而度地制宜之道存焉淳因鎮爲縣雖創邑未久隸屬猶舊而從前沿革之故歷歷可稽故原本舊志參以史書俾考古者按其方域得以備悉原委志沿革

唐虞夏商周屬揚州春秋時吳築固城爲瀨渚邑景王五年吳移瀨渚於陵平山名陵平十六年楚取陵平更名平陵敬王十四年屬吳元王三年屬越顯王三十七年復屬楚

秦始皇二十五年定鄣郡始置溧陽縣屬之

漢武帝元封二年改鄣郡爲丹陽郡設揚州刺史統之領縣十七溧陽其一也建武六年移丹陽郡治宛陵統十六城以李忠爲

高淳縣志 卷一 沿革

太守溧陽丹陽隸焉獻帝興平二年孫策據江東策卒弟權代於建安十七年城金陵溧陽仍屬丹陽郡後主景耀三年庚辰吳王孫休作浦里塘開丹陽湖田

晉初屬丹陽郡惠帝永興元年析永世置平陵俱屬義興郡尋還丹陽懷帝永嘉四年琅琊王睿割永世平陵等縣置義興郡以旌周圯陳敏之功宋齊梁陳俱屬丹陽郡

隋高祖開皇九年廢丹陽郡置蔣州十一年析溧陽及丹陽故地改置溧水縣屬蔣州十八年併溧陽入溧水煬帝大業四年屬丹陽郡尋復以蔣州置丹陽郡

唐高祖武德三年置揚州隸東南道廢蔣州七年復蔣州溧水仍隸焉八年又移揚州於宣州溧水改隸宣州太宗以東道爲江南道宣州隸焉元宗改爲江南東道置宣城郡溧水隸焉肅宗

至德二載屬江寧郡乾元元年屬昇州上元二年廢昇州改隸宣州大順元年復昇州溧水隸之吳宣王楊隆演武義二年庚辰改昇州爲金陵府溧水仍隸焉天祐三年南唐徐知誥建國金陵以金陵爲西都旋改爲江寧府溧水仍隸焉

宋太祖開寶八年復昇州領縣五溧水與焉真宗天禧二年屬江寧府高宗建炎三年屬建康府端宗景炎二年屬元建康路元成宗元貞元年改溧水縣爲州仍隸建康路明帝天歷二年改溧水溧陽爲州屬集慶路順帝至正十五年六月明太祖命徐達取溧水州八月取溧陽州

明太祖洪武元年改集慶路爲應天府二年改溧水州爲縣孝宗弘治四年析置高淳縣屬應天府高淳鎮在溧水西南一百二十里府丞龔綺以地曠難制奏割崇教立信永豐永寧遊山唐

高淳縣志 卷一 沿革

昌安興七鄉共七十二里爲縣後因廢闢築壩淹沒民田虛糧賠累人戶原額大減遂併爲四十一里初擬淳化欽定高淳國朝世祖順治二年五月江南底定改應天府爲江寧府屬縣仍舊

論曰自秦廢封建設郡縣參錯而犬牙之轄以代更所析愈細而變易愈多淳於溧爲隸其轄屬與溧爲一無容具論就淳言之銀林爲吳楚必爭地伍員伐楚開渠通運名曰胥河蓋旣取其道而遂更以名豈不甚盛烈哉已還屬楚尋又屬越瞬息間紛紛不一奚論自秦以降抑又聞永寧鄉舊隸宣州明祖定鼎金陵溧爲王畿地乃割宣之一隅隸溧以正方域雖史缺有間當亦理之至近無足疑者泥古之士必謂一成不變何其誣也嗟乎自春秋來固城五堰爲用兵地民苦戰爭何代無之迫爲

江寧屬邑百年以還兵革不事版圖無改蓋國家之治平久矣
然不觀古今之變又誰爲歎歎悲喜交集哉

高淳縣志

卷一

沿革

三

高淳縣志卷二上

建置 官守 舖舍 坊表

詩咏景山作室禮稱度地居民則建置非體國經野之首務哉
淳自分設後初建日新上自廨署下逮郵亭因時加飭綱舉目
張子諒撫綏之道防閑備禦之方皆於是乎在志建置

官守

明弘治四年立縣署淳本隸溧水去溧治遼遠陸程計百五十里
有奇徵發期會既苦修阻而水行必道石臼湖漕米轉運或顛
越於風濤甚爲不便淳民爰具分縣之狀於京兆京兆上之朝
朝論達之下其事府丞命董斯役府丞冀綺相度地勢立縣署
於淳溪鎮署地原係舉人張琬生監張琛張國瑞之祖張滄舊
基冀丞構堂卜吉令遷因以卷舖酬之時新令淳者宋澄亦與

高淳縣志

卷二

建置

官守

經營爲正堂五間右馬政廳三間左幕廳三間後爲穿堂五間
後堂五間前爲大門甃石而上爲燕樓中爲儀門三間堂之左
爲庫北爲知縣官廨堂之右少後爲典史衙甬道中爲箴石亭
東西列掾曹房東吏戶禮西兵刑工又儀門左爲土穀祠爲賓
賓館清風亭右爲囹圄大門前左爲旌善亭右爲申明亭正中
爲屏牆東爲宣化坊西爲承流坊

宋范成大高淳道中詩路入高淳麥更深草泥濡潤馬駸駸雨
歸隴首雲凝黛日漏山腰石滲金老柳不春花自蔓古祠無壁
樹空陰一簞足屬前村店滾滾炊烟起竹林 王士正送李松
客令高淳詩縣庭臨石白風俗至今淳鳬雁成墟市蒹葭雜吏
人花時閒臥閣魚舍曉班春爲訪詩人宅柴門滿白蘋 按淳
之立縣始於弘治而地名高淳不自弘治昉也舊鎮原名高淳

鎮宋時已見於石湖詩則高淳之名由來久矣故謂縣分設於弘治則然併謂高淳之名亦始於弘治則甚非也

立關防門七座東實陽南迎薰西留暉北拱極東北通賢東南望洋西南襟湖縣故無城嘉靖丙戌冬帑忽被盜知縣劉啓東因具白撫按請所以防衛者東北迤邐皆岡阜乃因勢築土為垣西南瞰河藉為壕濱河皆民居相接比即通衢要害處為七門萬歷間數議建城知縣項維聰論略曰易稱設險守國重門禦暴則建侯啓宇豈惟德教益亦有城郭之固焉然或限於地阻於勢即欲峻防飭備無由也高淳以鎮為縣計縣治之北以至南僅一里東西僅半里環西南臨湖民居落落數十年內始就湖濱培築集民居數百家而沿湖者踰半東北一帶多岡阜民負邑垣而棲者或斷或續餘則塚墓相次地勢蓋若斯矣如

高淳縣志

卷二

建置 官守

二

建城必須盡毀臨湖之家不獨民不堪命即能遷徙安所得隙壤乎矧城中區境愈陜僅長若帶何以爲邑規也將闢左方恢之無論民居蕩析殃且及枯骨矣如欲托基湖灘則懸岸丈餘填壑爲址工費百倍東北舍居墓而環其外勢甚遼遠費更不貲且自田沒於湖境蹙民逃兼之水旱沴臻科賦日增即征輸正額尚多逋欠一旦興重大之役財力焉辦萬歷初夏令大勲申請建城欲將馬田及水陽倉演武場地鬻價佐以民力以衆情未協事沮頃二十六年復圖前舉士衆倉皇驚懼奔訴當道議亦隨寢此高淳必不可城之明徵也夫淳審通金陵地非不重又當吳楚往來孔道籌久安金石之策謂永永無虞果奚待也矧荏苒潢池之驚亦時有乎嘉靖乙卯倭寇太平趨南都都城戒嚴已而犯溧水城幾陷設鄉導稍南淳無難類矣即有城

數雉猶然難支况無數雉乎間有思及於遷者其事更大於城譚何容易如圖便宜之計惟固署防以衛獄藏則今日之最要者昔劉令啓東時盜關公出以雪夜劫官帑緣此始於署之四圍築土以垣之歲久漸圯謂當焚以磚石庶可垂遠費不甚煩而所關甚鉅欲貽茲邑以稍安舍是無他謀矣

立陰陽學醫學於崇仁街今廢

立社亭於縣治東屋四楹嘉靖中劉啓東建今廢

立豫備倉及常豐倉豫備倉在縣東知縣劉啓東重修凡二十有五間今存者三間改作崇教社倉餘遷頭門內常豐倉舊名永豐倉在水陽嘉靖間知縣劉啓東修萬歷元年知縣夏大勲移建於縣治西留暉門外倉廩凡四十一間自改折糧米後假居營兵今亦不盡存

高淳縣志

卷二

建置 官守

三

置棲流所三間即舊豫備倉改移隙地

建巡檢司官署初洪武二十七年甲戌二月設東壩巡檢司至嘉靖間知縣劉啓東重建其署向在胥河之北去壩里許後改遷近壩照壁大門一座廳事五間後堂三間後爲內宅五間左土地祠右班房

設河泊所一在縣西南隅牛耳港邑民夏興旺夏源夏賢讓地入官建造當事嘉其好義因免一家漁課一在縣西十里許家埠至隆慶三年俱奉裁革

廣通鎮開官署在胥河東壩之北 時壩未增高永樂元年癸未設開置官一員時其啓閉以通往來行舟初溧水民言溧陽溧水窪下數罹水患乞於廣通鎮置閘以備涵洩上遣人視之還言二縣水由固城湖上納微寧廣建諸水每遇霖潦卽注縣境